

ვამტკიცებ

ა(ა)იპ წმინდა ალექსი შუშანიას სახელობის
მართლმადიდებლური სკოლა-გიმნაზიის
დირექტორი ნინო ჯანჯღავა

ბრძანება №201; 24 ოქტომბერი, 2012წ.

**ა(ა)იპ წმინდა ალექსი შუშანიას სახელობის
მართლმადიდებლური სკოლა-გიმნაზიის
ბიბლიოთეკის
დებულება**

სარჩევი

| | |
|--|---|
| მუხლი 1. ზოგადი დებულებები..... | 3 |
| მუხლი 2. ბიბლიოთეკის ამოცანები და მიზნები..... | 3 |
| მუხლი 3. ბიბლიოთეკის ფუნქციონირების ძირითადი პრინციპები..... | 3 |
| მუხლი 4. ბიბლიოთეკის ხელმძღვანელობა | 4 |
| მუხლი 5. ბიბლიოთეკისა და მკითხველის უფლება–მოვალეობანი..... | 4 |
| მუხლი 6. ბიბლიოთეკით სარგებლობის წესები..... | 5 |
| მუხლი 7. ბიბლიოთეკაში ქცევის წესები | 5 |
| მუხლი 8. ბიბლიოთეკიდან წიგნის ან სხვა ბეჭდური მასალის გაცემის წესი | 6 |
| მუხლი 9. მკითხველის პასუხისმგებლობა ვალდებულების დარღვევისას | 6 |
| მუხლი 10. დასკვნითი დებულებანი..... | 6 |

მუხლი 1. ზოგადი დებულებები

- 1.1. ა(ა)იპ წმინდა ალექსი შუშანიას სახელობის მართლმადიდებლური სკოლა-გიმნაზიის (შემდგომში - „სკოლა-გიმნაზია“) ბიბლიოთეკა არის კულტურულ-საგანმანათლებლო, სამეცნიერო-ინფორმაციული ორგანო, რომლის ფუნქციაა სრულად და ეფექტურად გამოიყენოს თავისი ფონდი და რესურსები მოსწავლეებისა და მასწავლებლების მოთხოვნების დასაკმაყოფილებლად;
- 1.2. ბიბლიოთეკა დაფუძნებულია „სკოლა-გიმნაზიის“ მიერ და არის მისი სტრუქტურული ერთეული, მასში განთავსებულია ბიბლიოგრაფიული ფონდი – საგანმანათლებლო სახელმძღვანელოები, დამხმარე და მეთოდური ლიტერატურა, ბეჭდვითი გამოცემები, აგრეთვე ისტორიული, რელიგიური, მხატვრული, შემეცნებითი, საინფორმაციო და სხვა სახის ლიტერატურული მასალა;
- 1.3. „სკოლა-გიმნაზიის“ ბიბლიოთეკა თავის საქმიანობაში ხელმძღვანელობს საქართველოს კანონით „საბიბლიოთეკო საქმის შესახებ“, „სკოლა-გიმნაზიის“ დებულებით და შინაგანაწესით და აგრეთვე ამ დებულებით;
- 1.4. ბიბლიოთეკის სამუშაო განრიგია: 9:30 – 16:00 სთ;

მუხლი 2. ბიბლიოთეკის ამოცანები და მიზნები

- 2.1. „სკოლა-გიმნაზიის“ ძირითადი ამოცანაა წიგნიერების, ეროვნული მემკვიდრეობისა და ქრისტიანული ღირებულებების დაცვა-პოპულარიზაცია, სამოქალაქო საზოგადოების ჩამოყალიბება და ხელშეწყობა;
- 2.2. სასკოლო ბიბლიოთეკის საქმიანობა განიხილება როგორც სასწავლო-აღმზრდელობითი პროცესის შემადგენელი ნაწილი;
- 2.3. ამ მიზნების მისაღწევად ბიბლიოთეკა უზრუნველყოფს:
 - ა) მკითხველთა სწრაფ და სრულ დაკმაყოფილებას მათთვის საჭირო ლიტერატურითა და საბიბლიოთეკო დოკუმენტებით (ბეჭდური, ხელნაწერი, ელექტრონული და ინფორმაციის შემცველი სხვა მასალები);
 - ბ) ხელსაყრელი პირობების შექმნას პიროვნების შემოქმედებითი განვითარებისათვის;
 - გ) შესაბამისი პროფილების ლიტერატურისა და დოკუმენტების შეგროვებას და მათ სათანადო დაცვა-მოვლა-პატრონობას;
 - დ) საბიბლიოთეკო ფონდებით სარგებლობის ხელმისაწვდომობასა და მომსახურების მაღალ დონეს როგორც ადგილზე, ისე სახელმძღვანელო და სხვა სახის ლიტერატურისა და დოკუმენტების დროებით სარგებლობაში გაცემით;

მუხლი 3. ბიბლიოთეკის ფუნქციონირების ძირითადი პრინციპები

- 3.1. ბიბლიოთეკის ფუნქციონირების ძირითადი პრინციპებია:
 - ა) მკითხველთა თანასწორუფლებიანობა;
 - ბ) ინფორმაციის ხელმისაწვდომობა და შეუზღუდელობა;
 - გ) ოპერატიულობა;
 - დ) საბიბლიოთეკო სტატისტიკის წარმოება, კავშირების დამყარება და საბიბლიოთეკო ორგანიზაციებთან და გამომცემლობებთან;

- ე) თანამედროვე ელექტრონული სისტემის დანერგვა საბიბლიოთეკო საქმიანობაში, ინტერნეტის გამოყენება მკითხველთა მომსახურებისა და საჭირო ინფორმაციის მოსაძიებლად;
- ვ) საბიბლიოთეკო საქმიანობასთან დაკავშირებული კანონმდებლობითა და ამ დებულებით განსაზღვრული სხვა ფუნქციების შესრულება;

მუხლი 4. ბიბლიოთეკის ხელმძღვანელობა

- 4.1. ბიბლიოთეკას ხელმძღვანელობს ბიბლიოთეკარი, რომელსაც ნიშნავს „სკოლა-გიმნაზიის“ დირექტორი ა(ა)იპ „წმინდა ალექსი შუშანიას სახელობის მართლმადიდებლური სკოლა-გიმნაზიის“ რექტორთან შეთანხმებით და თავისი საქმიანობით ანგარიშვალდებულია მათ წინაშე;
- 4.2. ბიბლიოთეკარის შრომითი ურთიერთობა რეგულირდება შრომის კანონმდებლობით დადგენილი წესით;
- 4.3. ბიბლიოთეკარი:
 - წარმართავს და ხელმძღვანელობს ბიბლიოთეკის საერთო საქმიანობას;
 - აანალიზებს და ითვალისწინებს „სკოლა-გიმნაზიის“ საზოგადოების მოთხოვნებს;
 - აწარმოებს საბიბლიოთეკო მასალების კატალოგიზაციას და კლასიფიკაციას;
 - დახმარებას უწევს მასწავლებლებსა და მოსწავლეებს ბიბლიოთეკის რესურსებთან და საინფორმაციო ტექნიკასთან მუშაობის საქმეში;
 - ახორციელებს კითხვის პროპაგანდის და კულტურული ღონისძიებების პროგრამებს;
 - მონაწილეობს სასწავლო გეგმის ჩამოყალიბებაში;
 - მონაწილეობს სასწავლო პროცესის მომზადებასა, განხორციელება და შეფასებაში;
 - ამყარებს პარტნიორულ ურთიერთობებს სხვა ორგანიზაციებთან;

მუხლი 5. ბიბლიოთეკისა და მკითხველის უფლება-მოვალეობანი

- 3.1. მკითხველი უფლებამოსილია:
 - მიიღოს ბიბლიოთეკაში დაცული ლიტერატურა და დოკუმენტები – ბიბლიოთეკით სარგებლობის წესების შესაბამისად;
 - მიიღოს ინფორმაცია მისთვის საინტერესო საკითხის შესახებ;
 - ისარგებლოს ბიბლიოთეკის საინფორმაციო საშუალებებით;
 - მოითხოვოს მისთვის საჭირო დოკუმენტის ასლის გადაღება, თუ ეს პროცედურა ტექნიკურად არ დააზიანებს დოკუმენტს;
 - მიიღოს მონაწილეობა ბიბლიოთეკის საჭირბოროტო საკითხების განხილვაში;
- 3.2. მკითხველი ვალდებულია:
 - გაეცნოს და დაიცვას ბიბლიოთეკით სარგებლობის წესები, რომელიც წარმოადგენს ამ დებულების ორგანულ ნაწილს;
 - მკითხველი, რომელიც დაარღვევს ბიბლიოთეკით სარგებლობის წესებს, ანაზღაურებს ზარალს ბიბლიოთეკით სარგებლობის წესებით დადგენილი ნორმის შესაბამისად. მასვე

ეკისრება სხვაგვარი პასუხისმგებლობაც მოქმედი კანონმდებლობით გათვალისწინებულ შემთხვევებში;

3.3. ბიბლიოთეკა უფლებამოსილია:

- საქართველოს კანონმდებლობითა და ამ დებულებით განსაზღვრული ფუნქციები განახორციელოს დამოუკიდებლად;
- ბიბლიოთეკის ფონდები განაგოს კანონმდებლობით და ამ დებულებით დადგენილი წესების შესაბამისად;
- მიიღოს შესაბამისი ზომები იმ პირთა მიმართ, რომლებიც არღვევენ ბიბლიოთეკით სარგებლობის წესებს, ან მატერიალური ზარალს აყენებენ ბიბლიოთეკას;
- ეწეოდეს კანონით განსაზღვრულ სხვა საქმიანობას;

3.4. ბიბლიოთეკა ვალდებულია:

- თავისი საქმიანობა წარმართოს კანონმდებლობის და ამ დებულების საფუძველზე და მათ შესაბამისად;
- სისტემატურად დააკომპლექტოს ფონდი პროფილის შესაბამისად და უზრუნველყოს მათი ასახვა ბიბლიოთეკის საცნობო-საძიებო საშუალებებში;
- შეადგინოს და გააცნოს მკითხველს ბიბლიოთეკით სარგებლობის წესები;
- უზრუნველყოს მკითხველთა მომსახურების მაღალი დონე მათი ინტერესების შესწავლისა და ბიბლიოთეკის რესურსების კოოპირირების საფუძველზე;

მუხლი 6. ბიბლიოთეკით სარგებლობის წესები

6.1. ბიბლიოთეკაში გაწვრიანების მსურველმა უნდა წარმოადგინოს შემდეგი საბუთები:

- ა) პირადობის მოწმობა;
- ბ) მოსწავლის ბილეთი;
- გ) ერთი სურათი ზომით 3x4

6.2. ბიბლიოთეკაში გაწვრიანებისას მკითხველი ვალდებულია გაეცნოს თავის უფლებებსა და მოვალეობებს, რასაც ადასტურებს მკითხველის ბარათზე ხელმოწერით;

6.3. მკითხველს უფლება აქვს ისარგებლოს ბიბლიოთეკის კომპიუტერული მომსახურებით;

მუხლი 7. ბიბლიოთეკაში ქცევის წესები

6.2. მკითხველი ვალდებულია ბიბლიოთეკაში ყოფნის დროს დაიცვას შემდეგი წესები:

- არ იხამაუროს და ხელი არ შეუშალოს სხვა მკითხველს;
- დაიცვას ქცევისა და ეთიკის ნორმები;
- წიგნზე მუშაობის დამთავრებისთანავე დააბრუნოს წიგნი უკან;
- ბიბლიოთეკაში შემოსვლისთანავე გამორთოს მობილური ტელეფონი;
- ჯგუფურად მუშაობისას ხელი არ შეუშალოს სხვა მკითხველს;
- გაუფრთხილდეს ბიბლიოთეკის მატერიალურ-ტექნიკურ ბაზას;
- დაიცვას ამ დებულებით გათვალისწინებული ვალდებულებები;

6.3. მკითხველი ვალდებულია:

- ფაქიზად მოეპყრას ბიბლიოთეკის თითოეულ ბეჭდურ ერთეულს და დააბრუნოს განსაზღვრულ ვადაში, დადგენილი წესით;
- არ გააკეთოს წიგნზე, ბეჭდურ ეგზემპლარზე და დოკუმენტებზე ჩანაწერები, ჩანახატები და შენიშვნები;
- არ ამოხიოს, ან სხვაგვარად არ დააზიანოს წიგნი, ან სხვა ბეჭდური მასალა. წიგნად ფონდთან დაშვებისას არ გადაადგილოს წიგნები;
- არ ამოიღოს ფორმულარი წიგნიდან, არ ამოიღოს ბარათები კატალოგიდან;
- წიგნის ან სხვა მასალის მიღებისას გულდასმით შეამოწმოს ის და დეფექტის აღმოჩენისას შეატყობინოს დაუყოვნებლივ ბიბლიოთეკარს;
- სამკითხველო დარბაზში წიგნზე მუშაობის დამთავრებისას დაუყოვნებლივ დააბრუნოს იგი და არ გაიტანოს წიგნი თვითნებურად;

მუხლი 8. ბიბლიოთეკიდან წიგნის ან სხვა ბეჭდური მასალის გაცემის წესი

- 8.1. სასწავლო ლიტერატურა (სახელმძღვანელოები) – გაიცემა სასწავლო წლის განმავლობაში ყველა კატეგორიის მკითხველზე;
- 8.2. ენციკლოპედიები, საცნობარო ლიტერატურა და პერიოდული გამოცემები – გაიცემა მხოლოდ სამკითხველო დარბაზში;
- 8.3. მხატვრული ლიტერატურა – გაიცემა 10 დღის ვადით;
- 8.4. სასწავლო წლის ბოლოს, ზაფხულის არდადეგების დაწყებამდე მკითხველი ვალდებულია ჩააბაროს ყველა მასზე გაცემული მასალა;
- 8.5. „სკოლა–გიმნაზიიდან“ წასვლის, დათხოვნის შემთხვევაში მკითხველი ვალდებულია დააბრუნოს მასზე გაცემული ყველა მასალა;

მუხლი 9. მკითხველის პასუხისმგებლობა ვალდებულების დარღვევისას

- 9.1. თუ მკითხველი დაარღვევს ამ დებულებაში აღნიშნულ ვალდებულებებს და არ დაემორჩილება ბიბლიოთეკარის მოთხოვნებს, ამ უკანასკნელს შეუძლია მის მიმართ გამოიყენოს იძულებითი ზომები: ჩამოართვას წიგნი, დაატოვებინოს დარბაზი, უარი უთხრას მომსახურებაზე და გადასცეს ამ მკითხველის ქცევის შესახებ ინფორმაცია „სკოლა–გიმნაზიის“ დირექციას;
- 9.2. მკითხველს, რომელიც ზარალს მიაყენებს ბიბლიოთეკის ფონდს, ეკისრება შესაბამისი პასუხისმგებლობა და ზარალის სრული ანაზღაურება;
- 9.3. ზარალის ოდენობასა და ღირებულებას განსაზღვრავს კომისია;
- 9.4. მკითხველი წიგნის დაკარგვის შემთხვევაში ვალდებულია შეცვალოს იგივე დასახელების და ავტორის წიგნით, ან შინაარსობრივად ტოლფასად მიჩნეული წიგნით;

მუხლი 10. დასკვნითი დებულებანი

- 10.1. ბიბლიოთეკის დებულებას ამტკიცებს „სკოლა–გიმნაზიის დირექტორი“;
- 10.2. ბიბლიოთეკის დებულებაში ცვლილებებისა და დამატებების შეტანა ხდება „სკოლა–გიმნაზიის“ დირექტორის ბრძანებით;